

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO RADA I SOCIJALNE POLITIKE**

**Prednacrt**

**ZAKON  
o preuzimanju finansiranja neizmirenih doprinosa  
za penzijsko i invalidsko osiguranje u Federaciji Bosne i  
Hercegovine u periodu 01.04.1992. – 31.12.2015. godine**

Sarajevo, mart 2017. godine

**ZAKON**  
**o preuzimanju finansiranja neizmirenih doprinosa**  
**za penzijsko i invalidsko osiguranje za osiguranike u Federaciji Bosne i**  
**Hercegovine u periodu 01.04.1992. – 31.12.2015 godine**

**POGLAVLJE I. OPĆE ODREDBE**

**Član 1.**

Ovim zakonom se uređuju uvjeti, način, izvor i sredstva za finansiranje neizmirenih doprinosa za penzijsko i invalidsko osiguranje za period od 01.04.1992. do 31.12.2015 godine za osiguranike zaposlene u privrednim društvima sa većinskim državnim kapitalom u Federaciji Bosne i Hercegovine (u daljem tekstu: „Federacija BiH“), preduzećima i ustanovama, koji su pokrenuli ili okončali postupak stečaja, zaposlene u strateškim privrednim društvima od značaja za Federaciju BiH, zaposlene u zdravstvenim ustanovama u Federaciji BiH i zaposlene u savezima osoba sa invaliditetom i privrednim društvima za zapošljavanje osoba sa invaliditetom.

**Član 2.**

Neizmireni doprinosi za penzijsko i invalidsko osiguranje, u smislu ovog Zakona su doprinosi koji se odnose na period osiguranja od 01.04.1992. do 31.12.2015 godine, a za koja do dana stupanja na snagu ovog Zakona nisu izvršene uplate.

**Član 3.**

Uplata neizmirenih doprinosa za penzijsko i invalidsko osiguranje u skladu s ovim Zakonom odnosi se na osiguranike u Federaciji BiH koji se vode u evidencijama o osiguranicima u Federalnom zavodu za penzijsko i invalidsko osiguranje (u daljem tekstu: „Federalni zavod“), kao prijavljeni na osiguranje u periodu od 01.04.1992. do 31.12.2015 godine, a koji su u navedenom periodu bili:

- a) zaposleni u privrednim društvima u čijem osnovnom kapitalu je državni kapital čiji je vlasnik Federacija BiH, kanton, grad ili općina, zastupljen sa više od 50%, preduzećima i ustanovama, koji su pokrenuli ili okončali postupak stečaja, a iz stečajne mase nisu izmirena dugovanja po osnovu doprinosa za penzijsko i invalidsko osiguranje;
- b) zaposleni u strateškim privrednim društvima od značaja za Federaciju BiH;
- c) zaposleni u zdravstvenim ustanovama u Federaciji BiH.
- d) zaposleni u savezima osoba sa invaliditetom i privrednim društvima za zapošljavanje osoba sa invaliditetom.

## **POGLAVLJE II. OSNOVICA STOPA I POSTUPAK IZMIRENJA DOPRINOSA ZA PENZIJSKO I INVALIDSKO OSIGURANJE**

### **Član 4.**

- (1) Osnovica za obračun doprinosa za penzijsko i invalidsko osiguranje po jednom mjesecu osiguranja za koji nije uplaćen doprinos je minimalna osnovica za uplatu doprinosa za penzijsko i invalidsko osiguranje važeća u mjesecu u kojem ovaj Zakon stupa na snagu.
- (2) Stopa doprinosa koja se primjenjuje je stopa doprinosa iz plaće i drugih primanja osiguranika i stopa doprinosa na isplaćene plaće na teret poslodavca, obje važeće u mjesecu u kojem ovaj Zakon stupa na snagu.

### **Član 5.**

- (1) Zahtjev za ostvarivanje prava po članu 3 ovog zakona podnosi poslodavac ili stečajni upravnik za zaposlene koji su bili u radnom odnosu u periodu i pod uvjetima iz ovog Zakona.
- (2) Zahtjev se podnosi Federalnom zavodu - prema sjedištu poslodavca.
- (3) Uz zahtjev se podnosi:
  - a) spisak zaposlenih kojima nije uplaćen doprinos, koji sadrži i period za koji nije uplaćen doprinos, sa ugovorom o radu ili odlukom, odnosno rješenjem o zasnivanju radnog odnosa, te obavezno podatak o datumu sa kojim je zaposlenik ispunio uvjete za penzionisanje, odnosno kada zaposlenik navršava uvjete za penzionisanje bilo po osnovu propisanih godina života odnosno penzijskog staža;
  - b) pismenu saglasnost zaposlenog da prihvata uplatu doprinosa u skladu sa ovim zakonom;
  - c) dokaze da su zaposleni u tom periodu bili prijavljeni na osiguranje;
  - d) dokaze o ispunjavanju uvjeta iz člana 3. ovog Zakona;
  - e) dokaz da se na njih ne odnose odredbe člana 13. ovog Zakona;
  - f) dokaz da je pokrenut/okončan stečajni postupak.
- (4) Federalni zavod može donijeti Pravilnik kojim će dodatno urediti postupak podnošenja zahtjeva i potrebne dokumente.
- (5) Poslodavac je dužan da najkasnije 30 dana prije isteka roka za podnošenje zahtjeva utvrđenog ovim Zakonom, u službenim prostorijama objavi spisak iz st. 3. ovog člana i omogućiti uvid zaposlenima i drugim zainteresovanim licima,

### **Član 6.**

- (1) Zahtjev za ostvarivanje prava po članu 3 tačka a) ovog zakona mogu podnijeti i osobe:

- a) koje su bile u radnom odnosu kod poslodavca koji je prestao da postoji (stečaj);
- b) koje su prešle na rad kod drugog poslodavca, a u periodu obahvaćenim ovim zakonom su bili zaposleni kod poslodavaca iz člana 3 ovog zakona.;
- c) za koje poslodavac nije podnio zahtjev iz člana 5. ovog Zakona.
  - (2) Za umrlog osiguranika, zahtjev iz stava 1. ovog člana može podnijeti osoba koja ispunjava uvjete za sticanje prava na porodičnu penziju.
  - (3) Zahtjev iz st. 1. i 2. ovog člana podnosi se Federalnom zavodu, a uz isti se obavezno podnose dokazi iz člana 5 stav 3. ovog Zakona.

### **Član 7.**

Zahtjev iz čl. 5. i 6. ovog Zakona može da se podnese u roku od šest mjeseci od dana stupanja na snagu ovog Zakona.

### **Član 8.**

- (1) Na osnovu zahtjeva iz čl. 5. i 6. ovog Zakona i drugih podataka kojim raspolaže Federalni zavod će utvrditi: osiguranike koji imaju staž osiguranja za koji nisu uplaćeni doprinosi za penzijsko i invalidsko osiguranje, poslodavce kod kojeg su, ili su bili u osiguranju, periode takvog staža osiguranja za svakog osiguranika pojedinačno, iznos potrebnih sredstava za uplatu doprinosa za penzijsko i invalidsko osiguranje za svakog osiguranika pojedinačno, kao i ukupan iznos potrebnih sredstava.
- (2) Federalni zavod je obavezan svaka 3 mjeseca sačinjavati spisak osoba na koje se odnose ovaj zakon, a koje ispunjavaju uvjete za ostvarivanje prava na penziju prema odredbama Zakona o penzijskom i invalidskom osiguranju.
- (3) Spisak osoba iz stava 1. ovog člana, putem Federalnog ministarstvo rada i socijalne politike, dostavlja se Vladi Federacije BiH, koja će posebnim odlukama odobravati uplatu doprinosa za penzijsko i invalidsko osiguranje za konkretne osobe. Vlada Federacije BiH može donositi odluke kojima se odobrava uplata doprinosa samo do iznosa koji je za ove namjene planiran u Budžetu Federacije BiH.
- (4) Po izvršenoj uplati na osnovu odluke iz stava 3. ovog člana, Federalni zavod poduzima potrebe radnje radi evidentiranja staža osiguranja u bazi podataka osiguranika za godine za koje je izvršena uplata, i to kao staža osiguranja za koji su uplaćeni doprinosi za penzijsko i invalidsko osiguranje.
- (5) Postupak u vezi evidentiranja podataka o stažu osiguranja i doprinosa za penzijsko i invalidsko osiguranje, evidentiranja promjene zaduženja, novih zaduženja, brisanja kamata, evidentiranja uplata u Poreznoj upravi F BiH i druga provedbena pitanja uredit će se jedinstvenim pravilnikom Federalnog zavoda i Porezne uprave F BiH, na koji će saglasnost dati

Federalno ministarstvo rada i socijalne politike i Federalno ministarstvo finansija.

- (6) O uplati sredstava, broju osoba koje su uvedene u pravo i vremenu za koje je utvrđen staž osiguranja Federalni zavod, jednom mjesečno obavještava Federalno ministarstvo rada i socijalne politike.
- (7) Osobe koje smatraju da mogu ostvariti pravo predviđeno ovim Zakonom, a nisu obuhvaćene usvojenim spiskom osoba iz stava (2) ovog člana mogu podnijeti Federalnom zavodu zahtjev za uvrštavanje u isti, sa dokumentacijom kojom raspolažu i dokazuju svoje tvrdnje.

#### **Član 9.**

Osobe iz člana 3. ovog Zakona, kojima je utvrđeno pravo na uplatu doprinosa za penzijsko i invalidsko osiguranje, u skladu sa odlukom Vlade Federacije BiH iz člana 8. stav (3). ovog Zakona, prava iz penzijskog i invalidskog osiguranja mogu ostvariti tek nakon što potrebna sredstva budu uplaćena na žiro račun Federalnog zavoda.

### **POGLAVLJE III. FINANSIRANJE**

#### **Član 10.**

- (1) Federacija BiH će u skladu sa ovim zakonom i sredstvima predviđenim u Budžetu Federacije BiH osigurati Federalnom zavodu potrebna sredstva za uplatu doprinosa za penzijsko i invalidsko osiguranje za osiguranike i periode iz člana 3. Zakona.
- (2) Sredstva iz stava 1. ovog člana mogu se osigurati iz sljedećih izvora:
  - a) Izdavanjem dužničkih vrijednosnih papira od strane Federacije BiH,
  - b) Prodajom imovine iz pasivnog podbilansa Federacije BiH,
  - c) Prodajom kapitala u vlasništvu Federacije BiH,
  - d) Ostalih kreditnih i drugih posebnih izvora.
- (3) Prava po ovom Zakonu osiguravat će se samo do iznosa koji je za ove namjene osiguran u Budžetu Federacije BiH.

#### **Član 11.**

Nakon što Federacija BiH izvrši uplatu doprinosa za osiguranike iz člana 3. ovog Zakona, Vlada Federacije BiH će putem nadležnih institucija pokrenuti aktivnosti za utvrđivanje eventualne odgovornosti uprave preduzeća iz razdoblja za koji nisu plaćeni doprinosi.

## **POGLAVLJE IV. PRIJELAZNE I ZAVRŠNE ODREDBE**

### **Član 12.**

- (1) Nadzor nad primjenom ovog Zakona vrše Federalno ministarstvo rada i socijalne politike i Federalno ministarstvo finansija, svako u okviru svoje nadležnosti.
- (2) U vršenju nadzora ministarstva iz stava 1. ovog člana mogu radi otklanjana eventualnih nejasnoća u provedbi ovog Zakona davati obavezujuće upute Federalnom zavodu i Poreznoj upravi FBiH.
- (3) Federalno ministarstvo finansija i Porezna uprava FBiH, u cilju provedbe ovog Zakona, mogu donijeti potrebne podzakonske akte.

### **Član 13.**

- (1) Prava iz ovog Zakona mogu ostvariti samo osobe koje nisu ostvarile pravo na penziju do dana stupanja na snagu ovog Zakona.
- (2) Osiguranici kojima je u bazi matične evidencije registriran poseban staž iz člana 94. Zakona o penzijskom i invalidskom osiguranju, u periodu iz člana 3. ovog Zakona, ne ostvaruju prava po ovom Zakonu za isti period.

### **Član 14.**

Za određivanje kategorija osiguranika iz člana 3. ovog Zakona i perioda osiguranja, mjerodavni su podaci matične evidencije o osiguranicima i obveznicima uplate doprinosa koju vodi Federalni zavod i podaci Porezne uprave Federacije BiH.

### **Član 15.**

Ovaj Zakon stupa na snagu osmog dana od dana objavljivanja u „Službenim novinama Federacije Bosne i Hercegovine“.

## **O b r a z l o ž e n j e**

### **Prednacrtu Zakona o preuzimanju finansiranja neizmirenih doprinosa za penzijsko i invalidsko osiguranje**

#### **I USTAVNI OSNOV**

Ustavni osnov za donošenje ovog Zakona sadržan je u odredbama tačke d) Amandmana VIII na Ustav Federacije Bosne i Hercegovine, a u vezi s članom IV.A.20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije i fiskalna politika Federacije, a Parlament Federacije Bosne i Hercegovine je ovlašten za donošenje zakona o obavljanju funkcija federalne vlasti, te člana III. 2. e. Ustava Federacije Bosne i Hercegovine kojim je u oblasti socijalne politike utvrđena podijeljena nadležnost između kantona i Federacije.

Prema odredbama člana IV A. 20. (1) d) Ustava Federacije Bosne i Hercegovine, Parlament Federacije Bosne i Hercegovine nadležan je za donošenje Zakona o obavljanju funkcija federalne vlasti.

#### **II NAČELA NA KOJIMA SE ZASNIVA ZAKON**

Ovaj Zakon se zasniva na načelima zakonitosti, socijalne sigurnosti, solidarnosti, ekonomičnosti, efikasnosti, javnosti i transparentnosti.

#### **III RAZLOZI ZA DONOŠENJE ZAKONA**

Duži vremenski period u Federaciji BiH imamo situaciju da osobe prema evidencijama imaju ispunjene uvjete za ostvarivanje prava iz penzijskog i invalidskog osiguranja, ali ista praktično ne mogu ostvariti radi činjenice da nisu plaćeni doprinosi za penzijsko i invalidsko osiguranje. Radi činjenice se navedena kategorija osoba nalazi u vrlo teškoj ekonomsko-socijalnoj situaciji, bez ikakvih primanja, većinom bez zdravstvene zaštite, te bez realnih izgleda da neplaćeni doprinosi budu izmireni od strane poslodavaca, ocijenjeno je da Federacija BiH kao većinski vlasnik istih ima obvezu da rješi navedeni problem u kom smisli se opredjelilo za sistemsko rješenje u vidu posebnog zakona.

#### **IV OBRAZLOŽENJE PREDLOŽENIH PRAVNIH RJEŠENJA**

**Članom 1.** definisan je predmet zakona gdje je precizirano da će se istim urediti uvjeti, način, izvor i sredstva za finansiranje neizmirenih doprinosa za penzijsko i invalidsko osiguranje za period od 01.04.1992. do 31.12.2015. godine za osiguranike zaposlene u privrednim društvima sa većinskim državnim kapitalom u Federaciji Bosne i Hercegovine (u daljem tekstu: „Federacija BiH“), preduzećima i ustanovama, koji su pokrenuli ili okončali postupak stečaja, zaposlene u strateškim privrednim društvima od značaja za Federaciju BiH, zaposlene u zdravstvenim ustanovama u Federaciji BiH i zaposlene u savezima osoba sa invaliditetom i privrednim društvima za zapošljavanje osoba sa invaliditetom.

**Članom 2.** propisano je da su neizmireni doprinosi za penzijsko i invalidsko osiguranje, u smislu ovog Zakona, doprinosi koji se odnose na period osiguranja od 01.04.1992. do 31.12.2015 godine, a za koja do dana stupanja na snagu ovog Zakona nisu izvršene uplate.

**Članom 3.** propisano je da se uplata neizmirenih doprinosa za penzijsko i invalidsko osiguranje u skladu s ovim Zakonom odnosi na osiguranike u Federaciji BiH koji se vode u evidencijama o osiguranicima u Federalnom zavodu za penzijsko i invalidsko, kao prijavljeni na osiguranje u periodu od 01.04.1992. do 31.12.2015 godine, a koji su u navedenom periodu bili zaposleni u privrednim društvima u čijem osnovnom kapitalu je državni kapital čiji je vlasnik Federacija BiH, kanton, grad ili općina, zastupljen sa više od 50%, preduzećima i ustanovama, koji su pokrenuli ili okončali postupak stečaja, a iz stečajne mase nisu izmirena dugovanja po osnovu doprinosa za penzijsko i invalidsko osiguranje (ovo ako se prihvati alternativa); zaposleni u strateškim privrednim društvima od značaja za Federaciju BiH; zaposleni u zdravstvenim ustanovama u Federaciji BiH; zaposleni u savezima osoba sa invaliditetom i privrednim društvima za zapošljavanje osoba sa invaliditetom.

**Članom 4.** propisano je da je osnovica za obračun doprinosa za penzijsko i invalidsko osiguranje po jednom mjesecu osiguranja za koji nije uplaćen doprinos minimalna osnovica za uplatu doprinosa za penzijsko i invalidsko osiguranje važeća u mjesecu u kojem ovaj Zakon stupa na snagu, te da se stopa doprinosa koja se primjenjuje je stopa doprinosa iz plaće i drugih primanja osiguranika i stopa doprinosa na isplaćene plaće na teret poslodavca, obje važeće u mjesecu u kojem ovaj Zakon stupa na snagu.

**Članom 5.** propisano je način podnošenja zahtjeva od strane poslodavca za zaposlene koji su bili u radnom odnosu u periodu i pod uvjetima iz ovog Zakona, da se isti podnosi Federalnom zavodu, a da se uz zahtjev podnosi: -spisak zaposlenih kojima nije uplaćen doprinos, koji sadrži i period za koji nije uplaćen doprinos, sa ugovorom o radu ili odlukom, odnosno rješenjem o zasnivanju radnog odnosa, te obavezno podatak o datumu sa kojim je zaposlenik ispunio uvjete za penzionisanje, odnosno kada zaposlenik navršava uvjete za penzionisanje bilo po osnovu propisanih godina života odnosno penzijskog staža;

-pismenu saglasnost zaposlenog da prihvata uplatu doprinosa u skladu sa ovim zakonom; dokaze da su zaposleni u tom periodu bili prijavljeni na osiguranje; - dokaze o ispunjavanju uvjeta iz člana 3. ovog Zakona i dokaz da se na njih ne odnose odredbe člana 17. ovog Zakona.

Također, ovom odredbom propisano je da je poslodavac dužan najkasnije 30 dana prije isteka roka za podnošenje zahteva utvrđenog ovim zakonom, u službenim prostorijama da objavi spisak iz st. 3. ovog člana i omogućiti uvid zaposlenima i drugim zainteresovanim licima.

**Članom 6.** Propisan je način podnošenja zahtjeva od strane fizičkih lica bivših zaposlenika u slučajevima kada poslodavci više ne egzistiraju u kom smislu je propisano da zahtjev za ostvarivanje prava po ovom Zakonu mogu podneti i osobe: -koje su bile u radnom odnosu kod poslodavca koji je prestao da postoji (stečaj, likvidacija i dr.); -koje su prešle na rad kod drugog privatnog poslodavca ili je došlo do promjene strukture vlasništva poslodavca (državni udio u kapitalu više nije većinski); - za koje poslodavac nije podnio zahtjev iz člana 5. ovog Zakona. Navedenom odredbom, je definirano da za umrlog osiguranika, zahtjev iz stava 1. ovog člana može podnijeti osoba koja ispunjava uvjete za sticanje prava na porodičnu penziju, te da se zahtjev iz st. 1. i 2. ovog člana podnosi Federalnom zavodu, a uz isti se obavezno podnose dokazi iz člana 5 stav 3. ovog Zakona.

**Članom 7.** Propisan je rok za podnošenje, prema kojem se zahtjev iz čl. 5. i 6. ovog Zakona može da podnese u roku od šest mjeseci od dana stupanja na snagu ovog Zakona.

**Članom 8.** propisano je da će se na osnovu zahtjeva iz čl. 5. i 6. ovog Zakona i drugih podataka kojim raspolaže Federalni zavod utvrditi: osiguranike koji imaju staž osiguranja za koji nisu uplaćeni doprinosi za penzijsko i invalidsko osiguranje, poslodavce kod kojeg su, ili su bili u osiguranju, periode takvog staža osiguranja za svakog osiguranika pojedinačno, iznos potrebnih sredstava za uplatu doprinosa za penzijsko i invalidsko osiguranje za svakog osiguranika pojedinačno, kao i ukupan iznos potrebnih sredstava, te datum sa kojim je zaposlenik ispunio ili potencijalno navršava uvjete za penzionisanje. Nadalje, propisano je da je Federalni zavod obavezan svaka 3 mjeseca sačinjavati spisak osoba koje ispunjavaju uvjete za ostvarivanje prava na penziju prema odredbama Zakona o penzijskom i invalidskom osiguranju. Spisak osoba iz stava 2. ovog člana, putem Federalnog ministarstva rada i socijalne politike, dostavlja se Vladi Federacije BiH, koja će posebnim odlukama odobravati uplatu doprinosa za penzijsko i invalidsko osiguranje za konkretne osobe. Po izvršenoj uplati na osnovu odluke iz stava 3. ovog člana, Federalni zavod poduzima potrebe radnje radi evidentiranja staža osiguranja u bazi podataka osiguranika za godine za koje je izvršena uplata, i to kao staža osiguranja za koji su uplaćeni doprinosi za penzijsko i invalidsko osiguranje. Postupak u vezi evidentiranja podataka o stažu osiguranja i doprinosa za penzijsko i invalidsko osiguranje, evidentiranja promjene zaduženja, novih zaduženja, brisanja kamata, evidentiranja uplata u

Poreznoj upravi F BiH i druga provedbena pitanja uredit će se jedinstvenim pravilnikom Federalnog zavoda i Porezne uprave F BiH, na koji će saglasnost dati Ministarstvo i Federalno ministarstvo finansija, te da će se o uplati sredstava, broju osoba koje su uvedene u pravo i vremenu za koje je utvrđen staž osiguranja Federalni zavod, jednom mjesečno obavještava Federalno ministarstvo rada i socijalne politike.

**Član 9.** propisano je da osobe iz člana 3. ovog Zakona, kojima je utvrđeno pravo na uplatu doprinosa za penzijsko i invalidsko osiguranje, u skladu sa odlukom Vlade Federacije BiH iz člana 8. ovog Zakona, prava iz penzijskog i invalidskog osiguranja mogu ostvariti tek nakon što potrebna sredstva budu uplaćena na žiro račun Federalnog zavoda. Dakle, uvođenje u pravo (ostvarivanje penzije) moguće je samo nakon izvršene uplate doprinosa za PIO za konkretne osiguranike, gdje bi Vlada F BiH na osnovu ovog zakona donosila odluke o visini sredstava, poimeničnom spisku osiguranika čiji se staž uvezuje. Na ovaj način s jedne strane zaštitio bi se sistem PIO od "urušavanja", a sa druge bio bi zaštićen i Budžet F BiH, gdje bi Vlada Federacije BiH zavisno od sredstava utvrđivala dinamiku uvođenja u pravo

**Članom 10.** propisano je da će Federacija BiH u skladu sa ovim zakonom i sredstvima predviđenim u Budžetu Federacije BiH osigurati Federalnom zavodu potrebna sredstva za uplatu doprinosa za penzijsko i invalidsko osiguranje za osiguranike i perioda iz člana 3. Zakona. Također, propisano je da se sredstva iz stava 1. ovog člana mogu osigurati iz sljedećih izvora: -Izdavanjem dužničkih vrijednosnih papira od strane Federacije BiH, - Prodajom imovine iz pasivnog podbilansa Federacije BiH, -Prodajom kapitala u vlasništvu Federacije BiH i ostalih kreditnih i drugih posebnih izvora. Stavom (3) propisana je zaštitna odredba prema kojoj će se prava po ovom Zakonu osiguravat će samo do iznosa koji je za ove namjene osiguran u Budžetu Federacije BiH.

**Članom 11.** propisano je da nakon što Federacija BiH izvrši uplatu doprinosa za osiguranike iz člana 3. ovog Zakona, Vlada Federacije BiH će putem nadležnih institucija pokrenuti aktivnosti za utvrđivanje eventualne odgovornosti uprave preduzeća iz razdoblja za koji nisu plaćeni doprinosi.

**Članom 12.** propisano je da nadzor nad primjenom ovog Zakona vrše Ministarstvo i Federalno ministarstvo finansija, svako u okviru svoje nadležnosti, te da vršenju nadzora navedena ministarstva iz stava mogu radi otklanjana eventualnih nejasnoća u provedbi ovog Zakona davati obavezujuće upute Federalnom zavodu i Poreznoj upravi FBiH. Također dat je pravni osnov za donošenje podzakonskih akata.

**Članom 13.** propisano je da prava iz ovog Zakona mogu ostvariti samo osobe koje nisu ostvarile pravo na penziju do dana stupanja na snagu ovog Zakona, te da osiguranici kojima je u bazi matične evidencije registriran poseban staž iz

člana 94. Zakona o penzijskom i invalidskom osiguranju, u periodu iz člana 3. ovog Zakona, ne ostvaruju prava po ovom Zakonu za isto period.

**Članom 14.** propisano je da za određivanje kategorija osiguranika iz člana 3. ovog Zakona i razdoblja osiguranja mjerodavni su podaci matične evidencije o osiguranicima i obveznicima uplate doprinosa koju vodi Federalni zavod i podaci Porezne uprave Federacije BiH.

**Članom 15.** propisano je da ovaj Zakon stupa na snagu osmog dana od dana objavljivanja u "Službenim novinama Federacije BiH".

## **FINANSIJSKA SREDSTVA**